

आकाशवाणी

खबरां नरेश शर्मा कोला

- प्रधानमंत्री नरेंद्र मोदी होरें आखेआ ऐ जे भारत दी आर्थिक तगड़ेयाई ते नीतियों च तेजी, मुल्खै गी विकसित भारत आहले पास्सै लेई जा करदी ऐ।
- भारत नै बरोबर इलाके आहले दुनिया दे नक्शे पर संयुक्त राष्ट्र दे प्रस्ताव दा समर्थन कीता ऐ।
- मध्य प्रदेश दे सागर जिले च संदिग्ध नकली शराब पीने कन्नै 10एं जनें दी मौत होई गेई ते केई जनें अस्पताल दाखल कराए गे न।
- ईरान नै होमूर्ज जलडमरूमध्य च अमरीका दे 3 टैंकरें ते समुंद्री जहाजें पर हमले कीते न।
- बिहार ते उत्तर प्रदेश च भारी बरखा करी हाड़ आई गेदा ऐ।
- सात्विक साईराज रंकी रेड्डी ते चिराग शेटी दी भारती जोड़ी नै चाइना मास्टर्स दा मर्दे दा डबल खिताब जित्ती लैता ऐ।

<><><><><><>

PM-SRCC Address

प्रधानमंत्री नरेंद्र मोदी होरें नौजवानें गी बड्डे सुक्खने दिक्खने ते लेखा, वित्त, कनून ते सलाहू-मशवरे कन्नै जुड़ी दी ऐसी संस्थाएं दे निर्माण दी अपील कीती ऐ जेहिडियां आलमी स्तर दिआं होन। कल दिल्ली युनिवर्सिटी दे श्रीराम कॉलेज ऑफ कॉमर्स दे शताब्दी समारोह च उ'नें आखेआ जे अज्ज भारती मूल दे केई लोक दुनिया दी अब्बल दर्जे दी कंपनिएं दी अगुवाई करा'रदे न ते भारतीयें आसेआ बनाई गेदी कंपनियां बी दुनिया दी अगुवाई करी सकदिआं न। श्री मोदी होरें आखेआ जे आलमी सतह उप्पर बनी दी यक्कोतक्की दे दरम्यान बी भारत दी तिमाही विकास दर 7 इशारिया 8 फीसद रेही ऐ जेहड़ी साढे देसै दी आर्थिक समर्थ गी दर्शादी ऐ। उ'नें आखेआ जे भारत ने नीतिगत मामलें च गतिरोध थमां

लेइयै गतिशीलता तगर दा लम्मा पैंडा तय कीता ऐ ते दुनिया दिक्खा करदी ऐ जे भारत सबनें शा तेजी कन्नै आर्थिक तरक्की करा'रदा मुल्ख ऐ। प्रधानमंत्री होरें आखेआ जे आतंकवाद गी हराई दिता गेदा ऐ, आत्मविश्वास कन्नै भरोचे दे सशस्त्र बल दुश्मनें दे घरे तगर हमला करा'रदे न ते जम्मू-कश्मीर थमां लेइयै पूर्वोत्तर तगर शांति ब्हाल होई गेई ऐ। प्रधानमंत्री होरें दस्सेआ जे अप्रैल थमां जून दे दरम्यान बिजली दी पैदावार च 9 फीसद दा बादा होआ ऐ। उ'नें आखेआ जे इस दरान गड्डिणं दी बिक्री 20 फीसद कोला मती बधी ऐ जेह्दी मुख बजह दोपहिया वाहनें च 20 फीसद ते त्रैपहिया गड्डिणं च तकरीबन 30 फीसद दा बादा हा। श्री मोदी होरें आखेआ जे फौलाद ते सीमेंट दी खपत च 8 फीसदा दा बादा निर्माण, आवास ते कारोबारी कम्में च तेजी दे चलदे होआ ऐ। उ'नें इब्बी दस्सेआ जे स्मार्टफोन दा निर्यात हुन 25 लक्ख करोड़ रुपें शा मते दा ऐ ते घरेलू रक्षा उत्पादन तकरीबन 2 लक्ख करोड़ रुपें दे अजे धोड़ी दे सबनें शा उच्चे स्तर पर पुज्जी गेआ ऐ। श्री मोदी होरें आखेआ जे 140 करोड़ भारतवासी मिलियै भारत गी विकसित ते आत्मनिर्भर बनाडन। इस मौके पर शिक्षा मंत्री प्रहलाद जोशी होरें आखेआ जे प्रधानमंत्री मोदी हुं'दे काबल नेतृत्व च भारत मजूदा समें च दुनिया दा त्रिया सबनें शा बड्डा स्टार्ट-अप तंत्र ऐ। उ'नें आखेआ जे आलमी सतह दे बजारें च कौशल रूप कन्नै सक्षम लोकें दी लोड़ ऐ ते एहू युवाएं लेई इक बड़ा बधिया मौका ऐ।

<><><><><><><><>

EAM-UNGA

भारत नै आखेआ ऐ कि संयुक्त राष्ट्र महासभा च अफ्रीकी मुल्खें आसेआ आंदे गेदे उस प्रस्ताव दे हक्के च मतदान करने दा मतलब एहू नेई ऐ जे कुसै बी विशेष राष्ट्री सीमा जा नक्शे गी स्वीकार करी लैता जाहग। विदेश मंत्रालय दे प्रवक्ता रणधीर जैसवाल होरें आखेआ कि केंद्र शासित प्रदेश जम्मू-कश्मीर ते लद्दाख गी म्हेशां भारत दे अधिकारिक नक्शें पर गै दस्सेया जाना लोड़चदा ते भारत दे अधिकारिक नक्शे दे अलावा कुसै बी गलत जां भग्नु भलेखा पैदा करने आहले नक्शे गी स्वीकार नेई कीता जाहग।

<><><><><><><><>

Jitendra Singh Collab.

साइंस ते टैकनालजी ते धरत विज्ञान राज्यमंत्री डा. जितेंद्र सिंह होरें सरकारी शोध संस्थानें, उद्योग ते स्टार्ट अप्स बश्कार मजबूत साथ-सहयोग दा आह्वान कीता ऐ। उनें आखेआ जे नमीं काहडें गी गति देने ते एहू यकीनी बनाने लेई सहयोग जरूरी ऐ जे साइंस मतल्लक शोध बजार धोड़ी पुज्जै ते नागरिकें गी फायदा पुज्जै। कोलकाता च अज्ज दो रोजा साइंस कन्क्लेव दे उद्घाटनी इजलास गी संबोधित करदे होई डा. जितेंद्र सिंह होरें आखेआ जे सरकार नै अंतरिक्ष ते परमाणु उर्जा समेत केई रणनीतिक वैज्ञानिक क्षेत्रें गी प्राइवेट क्षेत्र दी मती भागीदारी लेई खोली दित्ता ऐ।

<><><><><><>

MP-Liquor Deaths

मध्य प्रदेश दे सागर जिले च जहरीली ते गैर कनूनी शराब पीने कन्नै 10एं जनें दी मौत होने दी तस्दीक होई ऐ। सागर जिले दे कलैक्टर प्रतिभा पाल होरें इनें मौतें दी पुष्टि कीती ऐ। 35एं जनें गी अस्पताल आंदा गेआ हा। किश जनें दी हालात हल्लै बी बड़ी म्गी बनी दी ऐ। उनेंगी बुंदेलखंड मेडिकल कालेज ते सागर जिला अस्पताल दाखल कराया गेदा ऐ। एहू मामला बांदा थाना खेत्तर दे नौरोजा ते धुधरा खुर्द ग्रांउ दा ऐ। शुरूआती जांच च शराब च मिथइल अल्कोहल होने दी शंका जताई गई ऐ। किश जनेंगी पुच्छ-गिच्छ लेई हिरासत च लैता गेआ ऐ। मुख्मंत्री डा. मोहन यादव होरें मामले दी जांच दे आदेश दित्ते न ते दोषियें दे खलाफ सख्त कार्रवाई दी गल्ल कीती ऐ।

<><><><><><>

US Iran-Conflict

होमुरज जलडमरूमध्य दे कोलकच्छ अमरीका-ईरान लड़ाई च इस हफ्ते इक बारी परतियै तनोतनी बदी गेदी ऐ। दौनें धडें होमुरज जलडमरूमध्य ते ओदे आले-दोआले ज्हाजें पर हमले कीते न। कल्लै दी ताजा घटना च अमरीका दी केंद्री कमान सेंटकाम नै आखेआ ऐ जे उन्नै ईरान दे 3 तेल टैंकरें गी नकारा करी दित्ता ऐ। इस्लामिक रिवोल्यूशनरी गार्ड कोर नै बी दावा कीता ऐ जे ओदी नौसेना नै होमुरज

जलडमरूमध्य दे संरक्षित इलाकें च दाखल होने दी कोशश करा करदी रिमोट कनै चलने आहली
अमरीका दी इक किश्ती गी नशाना बनाया ऐ।

<><><><><><>

UP-Floods

उत्तर प्रदेश दे 24 जिले हाड़े दी मारै हेठ आई गे न। भारी बरखा पौने करियै बैराजें सवां पानी छोड़े जाने करी हाड़ आया ऐ। मुख्यमंत्री योगी आदित्यनाथ होर हाड़ें दे हालात ते बचाव कार्रवाइयें दा जायजा लैने लेई चित्रकूट जिले च न। राज्य दी कई नदियें च पानी चढ़ी गेदा ऐ। गंगा नदी वदायुं, गाजीपुर बलिया ते फर्रुखाबाद च खतरे दे नशान कोला उप्पर बगा करदी ऐ। शारदा नदी लखीमपुर खीरी ते बाराबंकी च खतरे दे नशान कोला उप्पर बगा करदा ऐ। अयोध्या च गागा नदी च बी पानी चढ़े दा ऐ। यमुना नदी च राजापुर चित्रकूट च लगातार पानी चढ़े दा ऐ। मुख्यमंत्री योगी आदित्यनाथ होरें कल वाराणसी च वरूणा नदी कनै प्रभावित होए दे इलाकें दौरा लाया ऐ। सर्वेक्षण दरान उनें दाहत कैपें दा दौरा लाया ते प्रभावित लोकें गी राहत सामग्री दिक्ती गेई ऐ। दुए पाससै मौसम सरबन्धी मैहकमे नै अगले 4 दिनें धोड़ी राज्य दे पूर्वी हिस्सें ते अगले 2 दिनें धोड़ी पच्छिमी जिलें च भारी बरखा बरने दी चेतावनी जारी कीती ऐ।

<><><><><><>

New-CJ

केद्र नै जस्टिस पुष्पेंद्र सिंह भाटी होरें गी जम्मू-कश्मीर ते लद्दाख हाई कोर्ट दा नमा मुख्य न्याधीश नियुक्त कीता ऐ। भाटी हुंदे अलावा 7 होर जजें गी बी मुल्लै दे बक्ख हाई कोर्टें च बतौर चीफ जस्टिस नियुक्त कीता गेआ ऐ जिंदे च जस्टिस वल्लुरी कामेस्वर राव पटना हाई कोर्ट, जस्टिस रविंद्र वी घुगे कलकत्ता हाई कोर्ट, जस्टिस संजय कुमार अग्रवाल राजस्थान हाई कोर्ट, जस्टिस महेश चंद्र त्रिपाठी बाम्बे हाई कोर्ट, जस्टिस अश्विनी कुमार मिश्रा, पंजाब ते हरियाणा हाई कोर्ट, जस्टिस कृष्णा राम

महोपातरा, छत्तीसगढ़ हाई कोर्ट ते जस्टिस अल्पेश यशवंत कोग जे मध्य प्रदेश हाई कोर्ट दे मुख
न्याधीश बनाए गे ना।

<><><><><><>

Shah JK Progress

केंद्री गृह मंत्री अमित शाह होरें आखेआ ऐ जे 2019 थमां लेइयै हुनै तोड़ी प्रधानमंत्री नरेंद्र मोदी हुं'दी
अगुवाई च दफा 370 हटाए जाने दे बाद जम्मू-कश्मीर च अलगाववाद दी भावना च बड़ी मती कमी
आई ऐ। शाह होरें एहू गल्ल गोवा च इक संवाददाता सम्मेलन दरान बोलदे होई आकखी। उनें आखेआ
जे 5 दाहकें परानी नक्सलवाद दी समस्या हून अतीत दी गल्ल ऐ। उनें आखेआ जे इस्सै चाल्ली
पूर्वोत्तर च बी तकरीबन 10 ज्हार नौजवानें अपने थेआर छोड़ी दित्ते न ते भारत सरकार नै उंदे कन्नै
14 शा मते समझौतें पर दस्तखत कीते ना।

<><><><><><>

BRICS-Summit Prep.

नमीं दिल्ली दे भारत मंडपम च 12 ते 13 सितंबर गी होने आहले ब्रिक्स शिखर सम्मेलन दी पछोकड़ै
च दिल्ली पुलिस ते ट्रैफिक पुलिस नै सुरक्षा ते कारकेंद्र रिहर्सल दियां तैयारियां शुरू करी दित्ती दियां ना।
सुरक्षा बवस्था दी जांच गितै उप्परोतली मोटर गड्डिएं दे काफले दियां रिहर्सलां कीतियां जा'रदियां
ना। दिल्ली च 22 प्रमुख डायवर्जन प्वाइंट बनाए गेदे न ते 35 कोला मती शिड़कें पर गड्डिएं दी
आओजाई प्रभावित रौहगा। दिल्ली पुलिस मूजब सरदार पटेल मार्ग, जनपथ, बाराखंबा रोड ते मथुरा
रोड ज्नेहू रस्तें पर गड्डियें दी आओजाई प्रभावित रौहगा।

<><><><><><>

Andaman-LG

भारतीय जनता पार्टी दे राज्यसभा सांसद डॉ. दिनेश शर्मा होरेंगी अंडमान ते निकोबार द्वीपसमूह दा उप-राज्यपाल नियुक्त कीता गेआ ऐ। ओह अवकाश-हासल एडमिरल देवेन्द्र कुमार जोशी हुं'दी थाह लैडन। श्री जोशी होरें 8 अक्तूबर, 2017 गी अंडमान ते निकोबार द्वीप समूह दे उप-राज्यपाल दा औहद्धा सांभेआ हा। 62एं बरें दे डॉ. शर्मा, उत्तरप्रदेश दे उप-मुख्यमंत्री रेही चुके दे ना। उं'दा राज्यसभा कार्यकाल 25 नवंबर गी खत्म होना हा। राष्ट्रपति भवन आसेआ जारी इक विज्ञप्ति च आखेआ गेआ ऐ जे डॉ. शर्मा हुं'दी नियुक्ति उं'दे आसेआ एह औहद्धा सांभने दी तरीक थमां गै लागू मन्त्री जाहगा।

<><><><><><>

IFFJK-Prep.

श्रीनगर, जम्मू ते गुलमर्ग च सितंबर धोड़ी आयोजित कीते जा 10 सितंबर कोला लेइयै 7'रदे जम्मू-पैहले अंतरराष्ट्री फिल्म उत्सव-कश्मीर दे पैहले 2026 लेई लोड़चदी सब्बै तैयारियां करी लैतियां गेदियां न तां जे इस आयोजन गी पूरी चाल्ली बवस्था आहले ढंगै सिर तोड़ चाढ़ेआ जाई सकै। जम्मू च एह महोत्सव 8 ते 9 सितम्बर गी आयोजित कीता जाहगा। -बक्ख 41 दिनें दे इस फिल्मोत्सव च 4 बक्ख मुल्लें दियां फिल्मां दस्सियां जाडन। फिल्मोत्सव गी दिलचस्प ते यादगार बनाने लेई केई गतिविधिएं गी बी एहदे च शामिल कीता गेदा ऐ जिंदे च रातीं'लै फिल्म स्क्रीनिंग दी बवस्था, फ्लोटिंग सिनेमा ते बड्डी धाम जनेए आयोजन बी शामिल ना। आयोजन दी कामयाबी लेई सुरक्षा, ट्रैफिक प्रबंधन, बिजलीपानी-, आयोजकें बश्कार तालमेल ते लोड़चदी हर बरीकी पर ध्यान दित्ता जा'रदा ऐ। बाहरा औने आहले परोहनें लेई मैहकमे जम्मूकश्मीर दे- सैलसफा, दस्तकारिएं ते सांस्कृतिक विरासत गी बढावा देने लेई बक्खबक्ख तरीकाकार पर कम्म करा-'रदे ना।

<><><><><><>

Weather

मौसम विभाग ने अज्ज बिहार, पूर्वी राजस्थान, हरियाणा, चंडीगढ़, दिल्ली, मध्यप्रदेश, उत्तरप्रदेश, उत्तराखंड ते उत्तर-पूर्वी राज्यें दे किश हिस्सें च भारी बरखा दी भविष्यवाणी कीती ऐ। अंडमान ते निकोबार टापुएं सने बिहार, कर्नाटक दे अंदरूनी हिस्सें, जम्मू-कश्मीर, लद्दाख, मध्य प्रदेश, राजस्थान, पच्छिम बंगाल ते सिक्किम च बी अज्ज गरज-चमक दे कन्नै बरखा बरने ते तेज ब्हां चलने दे असार ना। तमिलनाडु, पुडुचेरी, कराईकल ते मेघालय च बी मौसम नेहा गै रौहने दा इकमान ऐ।

<><><><><><>

Badminton

बैडमिंटन च भारत दी जोड़ी सात्विकसाइराज रंकीरेड्डी ते चिराग शेटी नै अज्ज चिना मास्टर्स च मर्दे दे डबल्स दा खिताब अपने नांऽ करी लैता ऐं उनें फाइनल च चीन दे हे जी टिंग ते रेन जियांग यू गी 11721, 21-13 ते 21-17 कन्नै हराया। सिंगापुर ओपर सुपर 750 जित्तने दे थाईलैंड ओपर सुपर 500 च उपविजेता रौहने दे बाद एहू जित्त इंदी इस सीजन दा दुआ खताब ऐ।

<><><><><><>